



Te Avae Ditema 1959

TE HEHEURAA API

LES "ARTICLES DE FOI"

LE SIXIEME ARTICLE DE FOI

"Nous croyons à la même organisation qui existait dans l'Eglise primitive, savoir: Apôtres, prophètes, pasteurs, instructeurs, évangélistes, etc .."

Il est vrai que Jésus établit une Eglise organisée lorsqu'il se trouvait sur la terre. Nous appelons cette période le midi des temps. L'Eglise fut établie au midi des temps par le Sauveur. Cette église organisée continua après son ascension aux cieux. Quels étaient certains offices de cette Eglise? Nous trouvons bon nombre d'indications à ce sujet et de preuves dans le Nouveau Testament.

"Et il a donné les uns comme apôtres, les autres comme prophètes, les autres comme évangélistes, les autres comme pasteurs et docteurs." (Ephésiens 4:11)

Dans l'épître aux Hébreux, nous trouvons mention du grand prêtre: "En effet, tout grand prêtre, pris d'entre les hommes, est établi pour les hommes en ce qui regarde le culte de Dieu..." (Hébreux 5:1-5, de la version Crampon - La version Louis Segond dit: souverain sacrificateur.)

Luc nous parle des septantes: Après cela, le Seigneur désigna encore soixante-dix autres disciples, et il les envoya deux à deux devant lui dans toutes les villes et dans tous les lieux où lui-même devait aller." (Luc 10:1-11)

Les anciens sont mentionnés bon nombre de fois. Par exemple: "Ils firent nommer des anciens dans chaque église, et, après avoir prié et jeûné, ils les recommandèrent au Seigneur, en qui ils avaient cru." (Actes 14:23)

Nous trouvons mention des évêques (1 Tim. 3:1), des prêtres (Apoc. 1:6 version Crampon), des instructeurs (Actes 13:1), et des diacres (1 Tim. 3:8-12).

Depuis combien de temps l'évangile a-t-il été enseigné à l'homme? L'évangile est éternel. Ses lois, ses ordonnances,

ses principes sont éternels, et l'organisation de l'Eglise, fondée sur ces principes et sur ces lois, est tout aussi éternelle.

Qu'est-il advenu de l'organisation de l'Eglise établie par Jésus au midi des temps? A-t-elle continué sous sa forme originelle au cours de dix-neuf siècles d'histoire? Les faits prouvent qu'elle ne continua pas.

Aucune organisation, aucun groupe n'a prétendu avoir reçu des révélations de Dieu à travers ces âges. En vérité, qu'est-ce que les chefs religieux affirmèrent? Que la révélation directe des cieux avait cessé!

Les églises se détournèrent des voies de l'Eglise du Christ. Sa simplicité fut remplacée par la pompe et l'éclat; la dévotion pieuse fut remplacé par le désir des honneurs et des richesses que procuraient les offices ecclésiastiques; les ordonnances du baptême et de la Sainte-Cène furent altérées et perverties; les martyrs devinrent l'objet d'un culte spécial.

Comme l'a exprimé l'ancien James E. Talmage, "l'Eglise fut littéralement chassée de la terre."

Nous appelons cet égarement des vrais enseignements et des vraies pratiques du Christ "la grande apostasie". Elle fut prédite par Esaïe:

"Le pays était profané par ses habitants; car ils transgressaient les lois, violaient les ordonnances, ils rompaient l'alliance éternelle." (Esaïe 24:5)

L'apôtre Paul avait mis les saints en garde: "Il y a des gens qui vous troublent, et qui veulent renverser l'évangile de Christ." (Galates 1:7)

Le monde devait-il rester à jamais dans les ténèbres? Le Seigneur, dans sa miséricorde, devait veiller au rétablissement de son Eglise et de son Evangile, dans leur pureté et dans leur plénitude, à notre époque, "la dispensation de la plénitude des temps".

Comment cette restauration devait-elle avoir lieu? Par la fondation d'un pays libre - l'Amérique - et par l'intermédiaire d'un nouveau prophète, Joseph Smith.

Cela fut aussi prédit par un des anciens prophètes, Jean le bien-aimé ou le Révélateur.

“Je vis un autre ange qui volait par le milieu du ciel, ayant un évangile éternel pour l'annoncer aux habitants de la terre, à toute nation, à toute tribu, à toute langue et à tout peuple.

“Il disait, d'une voix forte: Craignez Dieu, et donnez-lui gloire, car l'heure de son jugement est venue, et adorez celui qui a fait le ciel, et la terre, et la mer, et les sources d'eau.” (Apoc. 14:6-7)

Soumis par l'Ancien Toni Stone

Te Tamaiti Puhura Tao'a.

(Luka 15 - Mataio 13.)

Ua rave rahi roa te mau taata tei ite i te aamu no te Tamaiti Puhura Tao'a ra. Te faaite maira te reira i te parau no te hoê tamaiti o tei hinaaro i te rave i ta'na tufaa o te faufaa fetii ra e ia haere atu i te tahi fenua ê atu, ma te haamau'a i te reira no to'na ra arearearaa. Teie mai te aamu mai ta Iesu i parau atu ra.

“Toopiti a te hoê taata tamarii tamaroa; ua parau atura tei muri a'e i te metua tane, “E ta'u metua, ho mai na i ta'u ra tufaa i te tao'a nei.” Ua tufa ihora oia i te tao'a na raua. E muri iti ihora, ua haaputu ihora te tamaiti hopea i ta'na haere atura i te fenua roa, puhura'tura i ta'na tao'a i te haapao ore. E pau roa a'era, roohia ihora tana fenua ra i te o'e rahi, e ati ihora oia i te poia. Ua taati atura oia i te hoê taata tupu no tana fenua ra, o tei tonono ia ia'na i roto i te aua e faaamu i te puaa. E ua hiaai atura oia i te pipi i amuhia e te puaa ra ia paia oia; e aore hoie taata i hopoi mai i te maa na'na. E iho faahou maira to'na ihora huru mau, ua na ô a'era, “E rave rahi to tau Metua tavini

tarahuhia e maa rahi tu ratou e e toe te tahi pae, e te pohe nei au i te poia! E tia vau e haere i tau metua ra, a parau atu ai ia'na, E tau metua, ua hara vau i te Atua o te ra'i e ia oe atoa hoi, e eita'tura e au ia parauhia e, e tamaiti na oe, e faariro oe ia'u mai te hoê i te mau tavini tarahu no oe nei."

Ua tia a'era oia, haere atura i ta'na metua. E tei te atea ê â oia, ite maira tana metua ia'na, aroha maira, horo maira, tauvahi maira i nia i tana a'i, ho'ihohi maira ia'na.

Ua parau atura taua tamaiti ra ia'na, "E tau metua, ua hara vau i te Atua o te ra'i, e ia oe atoa hoi, eita'tura vau e au ia parauhia e, e tamaiti na oe? Ua parau atura te metua i te mau tavini, "A hopoi mai na i te ahupū maitaira, e faa-ahupū mai ia'na nei, e oomo hoi i te tapea i tana rima, e te tamaa i tana avae; e tii hoi i te kafa faaamu ra e patia, e amu hoi tatou i te maa, e oaoa hoi tatou; o tau tamaiti nei hoi, i pohe na, e ua ora mai nei; i mo'e na, e ua itea mai nei." Oaoa'tura ratou.

Tei roto i te aua te tamaiti matahiapo ra, te haere maira i te utuafare. E fatata maira te fare ia'na, faaroo maira i te oto vivo e te ori. Ua tiaoro maira oia i te hoê tavini, ua ui maira i taua mau mea ra. Ua parau atura oia ia'na, "Teie mai nei to teina, e ua patia iho nei to metua i te kafa faamu nei, no te mea i haere ora mai oia aore e ma'i." Riri a'era oia aore a'era oia i tae i roto i te fare: haere maira te metua tane i rapae, taparu atura ia'na. Ua na ô maira oia i te parauraa mai i tana metua tane, "Inaha, e rave rahi a'enei to'u matahiti i te taviniraa ia oe nei, e aita roa a'enei ou i faaroo taiata i ta oe parau; e aitâ oe i horoa noa mai i te hoê pinia puaaniho na'u, ia faaamu atu i to'u ra taua; te ho'iraa mai râ o to tamaiti na, o tei puhura i ta oe tao'a na te mau vahine faaturi ra, patia iho nei oe i te kafa faaamu nei na'na." Ua na ô atura te metua tane ia'na, "E tau tamaiti, e tia oe i o nei ia'u nei, e te mau tao'a atoa na'u nei, na oe ia. E mea tia hoi ia tatou ia faaamuraa maa e ia oaoa; o to taeae nei hoi, i pohe na, e ua ora mai nei; i mo'e na, e ua itea mai nei."

Te haapii mai nei teie parabole i te hoê parau rahi ia tatou nei. Ua ora taua tamaiti ra i roto i te parau-tia ore, e na aufau oia i ta'na mau hara i ta'na atoa faufaa, e ua faatae mai i nia ia'na te poi'a. Area i te taime i fariu ê atu ai oia i ta'na mau hara, e i to'na ho'iraa'tu i te fare, e tumu rahi ia te reira no te oaoa. Te farii maitai nei te Fatu i te mau taata atoa o te tatarahapa i ta ratou ra mau hara, e e tauturu oia ia tatou ia ora i te hoê oraraa maitai a'e.

E na tun atoa mai Iesu i teie nei mau parabole:

“E au te basileia o te ao ra i te hoê taata hohoo tei imi i te poe maitatai: e itea ihora ia'na te hoê poe maitai roa ra; haere atura hoo atura i te mau tao'a atoa na'na ra, e ua hoo atura i taua poe ra.”

“E au te basileia o te ao ra i te tao'a mo'e i roto i te aua, e itea ihora e te hoê taata huna maite ihora, e no te oaoa i taua tao'a ra, ua hoo atura i te mau tao'a atoa na'na ra, e ua hoo atura i taua aua ra.”

“E au te basileia o te ao ra i te huero sinapi na te hoê taata i tanu i roto i ta'na ra aua; e huero iti haihai ia i te mau huero atoa nei, ia tupu râ e rahi ia i te mau raau rii atoa, e e riro ei raau rahi, e e tau nou mai te mau manu o te reva i roto i te mau amaa.”

Marcel Bonnet

Te Hoho'a Mau O Te Pae Tino Nei.

A ho'i rii ana tatou i te tabi vahi ta'u i parau atu ia outou i roto i teie nei aparauraa, e e ani atu ai au ia outou e: No te mea e Tamaiti mau â te Mesia na te Atua ra, aita anei te hoho'a o To'na ra tino i au i to To'na Metua, mai ia Seta i au i te hoho'a o to'na ra metua ia Adamu?

I roto i ta'na episetole i te ati Hebera, na faaite papu mai o Paulo e, ua riro mau â o Iesu ei hoho'a no To'na ra Metua. A faaroo mai na i ta'na parau no nia i taua vahi ra:

“O te Atua, o tei parau riirii mai i mutaa iho, e rave rahi te huru o te parauraa mai i te feia tupuna i te mau peropheta, o tei parau mai ia ia tatou i teie nei anotau hopea i te Tamaiti, o tei haapaohia e Ana ei Fatu no te mau mea atoa nei, e ua hamani hoi Oia i na ao atoa nei Ia'na; o te anaana hoi Oia o To'na ra hanahana, e o te hoho'a mau ia No'na iho, e te mauraa hoi i te mau mea atoa nei i Ta'na ra parau mana, oti a'era ta tatou hara i te tamâhia e Ana Ia'na ihora, parahi ihora i raro i te rima atou o tei Mana i te vahi teitei ra.” (Hebera 1:1-3)

I to'na papairaa'tu i to Kolosa ua tamau o Paulo i taua haapiiraa ma te parau atu: “O te huru mau Oia o te Atua hi'o-ore-hia ra, o tei fanau na i te mau mea atoa i hamanihia ra.” (Kolosa 1:1-5)

No te aha ra o Iesu i tia maitai ai i te hoho'a o To'na ra Metua? No reira, e ui ia tatou e, no te aha te hoho'a o Seta i au maitai ai i to Adamu? Aita'tu e pahonoraa i te reira, maori ra, teie, no te mea e metua tane o Adamu no Seta.

No reira e mea tia ia mana'ohia e, ua au atoa ia to te Mesia hoho'a i to To'na ra Metua. Ua riro mau Oia ei hoho'a tia no te Atua ora no te mea o te Tamaiti mau ia Oia na te Atua ora ra. E i te mea hoi tei roto o Iesu i te tino nei, mai ia tatou nei, mai te reira'toa ia te hoho'a o To'na ra Metua, Ta'na i rave no te haere mai i raro nei.

I teie nei ua haapapu roa tatou e, e hoho'a mau â o Iesu no te Mana Hope na roto i To'na aūraa huaai No'na ra. E no taua tumu ra, ua hamani atoahia te taata i te hoho'a o te Atua ra. E mea nahea ia to te taata aūraa'tu, i te pae fetii, i te Atua, mai te mea e tia ia tatou ia rave i te hoho'a o te Atua i nia iho ia tatou?

E i teie nei, a faaite mai na outou, e te mau feia faaroo radio e, ia ui atu vau ia outou i teie nei uiraa: No te aha te taata i hamanihia'i ia au to'na hoho'a e to'na ra huru i to te Atua, mai tei papaihia i roto i te mau papairaa mo'a?

Ehia taime to Iesu parauraa'tu i te mau taata no to "ratou Metua i te ra'i ra?" Ua pinepine roa te reira huru parauraa Ta'na i faahiti atu i roto i Ta'na ra mau haapiiraa. Aita anei Oia i paran e, "Mai te mea e faaore tatou i te hara a te mau taata, e faaore atoa-mai-ia to outou Metua i te ra'i ra i ta outou iho mau hara?" E i te tahi vahi ua na ô mai Oia e, "A hi'o na i te mau manu o te reva ra, aita ratou e uene nei aita atoa hoi ratou e ooti nei, e aita hoi ratou e haaputu nei i te maa na ratou i roto i te mau fare vairaa, noa'tu ra i te reira te faaamu nei to tatou Metua i te ra'i ra ia ratou." Aita anei Oia i haapii mai ia tatou e nahea i te pure mai teie nei i te hurn: "E to matou metua i te ao ra?"

Eaha te auraa no te parau, Ta'na i parau atu ia Maria i roto i te ô, i muri a'e i To'na tia-faahou-raa, "Eiaha e tapea mai Ia'u: aore â vani tae i nia i Ta'u Metua ra; e haere ra oe i Ta'u mau taeae ra, e parau atu ia ratou e, te haere nei au i Ta'u Metua ra e to outou Metua ra, e i Ta'u Atua ra e to outou Atua ra." (Ioane 20:17)

Aita'tu e mea Ta'na i hinaaro mai i te faaite, maori ra: O Oia to tatou tuaana matahiapo, hoê â ia To'na Metua i to tatou nei.

E piti mea e vai nei i roto i te taata. I roto i to tatou tino i'o e te ivi te parahi nei to tatou nei tino varua tei au roa to'ua hoho'a i te tino o ta'na e parahi ra. Ahiri te tino varua e itehia na, e riro mau ia oia ei hoho'a no te tino ta'na e parahi ra, e ua haapapuhia te reira parau na roto i te hoê ohipa tei tupu i mua noa iho i to te Mesia tia-faahou-raa. Ua ite outou atoa e, na roto i to te mau aposetolo riroraa ei ite no to te Fatu poheraa i nia i te satauro, e noa'tu i te rahi o to Iesu haapiiraa ia ratou, no nia i To'na tia-faahou-raa, aita roa te reira i haroaroa-maitai-hia e ratou. I te taime i fa mai ai te Fatu ia ratou, i roto i To'na huru i muri a'e i te tia-faahou-raa, "mehameha'tura ratou", o te parau ia a Luka, "e parau a'era ratou e, e varua ta ratou i hi'o ra." Ua parau maira Oia ia ratou, Eaha outou i hitimaue ai? eaha i tupu ai

te ma
avae
i'o e
24:39

Na'n
na i
ora,
to ou
Na'n
ia ma
i tara
(Ohi

Iesu
i fan
hou l
te ora
ora
roto
rua o
hiapo

mau
ni iho
mau
ai tat
to rat
au m
I
te tae
U
hurn,
tiatur
atoa,

te mana'o i to outou aau? A hi'o mai na i Ta'u rima e Ta'u avae; o van mau â; a fafa mai na ia ite; aita o te varua e i'o e te ivi mai To'u nei, ta outou e hi'o mai nei." Luka 24:39)

Ua fananahia to tatou mau varua, ei mau "Tamarii Na'na ra", o ta Paulo ia parau i te Etene ra; a faaroo mai na i Ta'na ra mau parau ia ratou ra. "No'na hoi to tatou ora, e i hahae ai, e i parahi ai hoi; mai ta ve toofanu o to outou mau rohipehe i parau maira e, E tamarii atoa tatou Na'na. E teie nei, e tamarii tatou na te Atua ra, eita e tia ia mana'o tatou e e au te Atua i te auro, e te ario e te ofai i taraihia i te aravihi e te ravea paari a te taata nei." (Ohipa 17:28-29)

Ua faahitihia a'enei e, ua faaite mai o Paulo e, o Iesu te matahiapo o te mau mea ora atoa nei." I teihea vahi i fananahia'i Oia mai te reira? Ua rave rahi roa tei fananahia, hou la'na, i roto i te tino nei. Teie ia te pahanoraa, oia hoi, te ora ra o Iesu hou Oia i fananahia'i i roto i te tino nei, e te ora atoa ra te varua o te taata hou te oraraa tahuti nei. I roto ia i te ao varua, i te matamua, i te vahi i riro ai te varua o te taata ei huaai no te Atua, i riro ai o Iesu ei "matahiapo no te mau mea ora atoa."

I te taime i hamani ai to tatou Metua i te Ra'i ra i te mau tino i'o e te ivi no Ta'na mau tamarii varua, ua hamani ihoa Oia i tana mau tino ra ia au te huru e te hoho'a o te mau varua o te parahi i roto i te reira. E mai te tau i vai ai tana mau varua ra, ua tatara mai o Paulo e, "ua au ihoa to ratou huru e to ratou hoho'a i to te Atua, mai ia Seta i au maitai i to'na ra metua ia Adamu ra."

I teie nei te taa-maitai-ra ia tatou te tumu i hamanihia'i te taata ia au to'na hoho'a e to'na ra huru i to te Atua.

Ua rave rahi te feia tei haapii mai e, aita to te Atua e huru, e varua noa Oia tei purara na roto i te ao nei. Te tiaturi nei te tahi pae e, e Ite rahi Oia tei vai i te mau vahi atoa, aita ra To'na e faito, To'na e hoho'a e To'na huru.

Na roto i ta tatou aparauraa, i teie nei arni, ua papu atura ia tatou e, e tino mau ihoa toto tatou Metua i te ra'i ra e ua hamanibia tatou ia au i To'na ra hoho'a e To'na ra huru.

E no te mea ua riro tatou ei hoho'a mau No'na ra, e tia atoa ia parauhia e, ua au atoa ia To'na hoho'a e To'na huru i to tatou nei. E mai te au i ta Paulo haapiiraa, ua riro mau ia o Iesu ei hoho'a no To'na ra Metua, e ia hurihia ra, e tia atoa ia parauhia e, e hoho'a mau ia te Metua no te Tamaiti. No reira, e taata taa-ê-ihoa te Mana Hope, tei taa-ê-maitai i te Faaora, mai te Metua i taa-ê-maitai i Ta'na ra Tamaiti.

To outou taeae i te faaroo, Pou T. Moo.

Te Tomoraa Fare Pureraa i Uturoa Raiatea.

Ua reva a'enei te Peresideni Misioni, o Iosepha Reeder, e to'na ra hoa, o Ruta Reeder, e te Peresideni tahito ra, o Eraneta Rositera, ma te apeehea'tu e te mau Orometua ra, o Davida, o Toni, o Frosty e o Leila, e tae noa'tu i te tahi pae o te mau melo no Tahiti nei, no te haere atu i Uturoa, Raiatea, no te tomoraa o to tatou Fare Pureraa apî i reira, e no te faatereraa hoi i te hoê Amuiraa Mataeinaa.

I te 7 no Novema, i te hora 9 e te afa, ua haapaohia taua Oro'a Tomoraa e ua tae atu te mau mana faatere Hau no Raiatea ma, te vahine a te Tavana Hau, o Mme Damery, te Tavana Oire, te Mutoi Farani e te mau Tavana Mataeinaa, e tae nca'tu i te tahi mau hoa, no rapae mai, e o tei faa oaoa-maitai hoi i taua oro'a rahi ra. Na roto i te hoê fifi ma'i aita'tura te Tavana Hau i tae i taua mahana ra.

Ua haamaitahia to tatou Fare Pureraa e te Peresideni ra, o Eraneta Rositera, na roto i te reo Farani, e na te Peresideni o te Misioni, o Iosepha Reeder i na reira na roto i te reo Tahiti.

Ua i roa te Fare Pureraa i taua mahana ra, e ua tae paha te rahiraa o te mau taata i te maha hanere e tiahapa. Ua faaotihia taua oro'a tomoraa na roto i te hoê tamaaraa rahi, tei au maitai roa e ua paia maitai hoi te mau taata tei tae atu i te reira tamaaraa.

I te avatea o taua mahana ra, ua tae mai te mau Feia toro'a, no te Ekalesia, no te hoê mau haapiiraa au maitai ei tautururaa ia ratou i te faatereraa i ta ratou mau ohipa i roto i te mau Amaa ra.

Ua nehenehe roa te Cinema tei faaterehia i taua po ra, e ua navenave roa hoi te mau himene Tarava tei himenehia i taua po ra.

I te Sabati ua tairuru-faahou-mai te mau taata no te hoê Pureraa Amuiraa, e i te Poipoi ua faaterehia te hoê Pureraa na te Autahu'araa e te hoê Pureraa Amuiraa atoa hoi, e i te ahiahi, na faatere-faahou-hia te hoê Pureraa Amuiraa, e te tahi atu Pureraa i raro a'e i te faatereraa a te Mau Feia Apî. I roto i te reira mau pureraa ua hohorahia mai te mau parau a'oraa Evanelia tei hau atu i te maitai, e tei faaineine-maitai-hia hoi.

Ua faaineine, e ua rave itoitoe maitai te mau Orometua ra, o Aramona, o Iosepha, o Miritona e o Tetira i ta ratou mau ohipa e ua tupu roa to tatou mauruuru i te reira. Ua tauturu maitai atu te mau melo o te Ekalesia, e tae noa'tu te mau hoa, i teie nei Amuiraa e na roto i te reira tahoêraa ua oaoa maitai e ua mauruuru maitai hoi tatou atoa.

Te haamauruuru-atoa-hia nei o Denise no te mau tiare ta'na i horoa, e te Peresideni vahine o te Misioni no to'na faa-nehenehe-maitai-raa i to tatou Fare Pureraa. Ua haamaitai-mau-hia taua tomoraa Fare Pureraa, e te reira Amuiraa no te mea ua nehenehe roa te mahana i te reira mau taime, e aita roa hoi i nâ, e ua nehenehe-maitai-hoi te mau ohipa atoa i ravehia ra.

I te otiraa te tomoraa i te Fare Pureraa na haere faahou atu to tatou Peresideni tahito ra, o Eraneta Rositera i to'na fenua ai'a, e ua vaiiho mai oia i ta'na mau haamaitairaa i nia ia tatou atoa nei.

Ua mauruuru tatou atoa e te parauhia'tu nei e, a faaitoitou outou, e to Raiatea ma, e tatou atoa hoi.

Leila Orometua.

Te Basileia O Te Atua.

Ua parau atura Oia i te hoê parable ia ratou: "*E au te Basileia o te ao ra i te faahopue i anoihia e te hoê vahine i roto ta'na farii faraoa e toru ra, e hopue atoa'tura.*" (Mataio 13:33)

Hou to'u tatararaa'tu i ta tatou parau, e faahiti atu ia vanu i te parau no te aroha na mua a'e.

Ia orana tatou atoa na roto i te mau aroha o te Atua, no teie matahiti apî ta tatou e fatata nei i te faa ô atu i roto ra, e ia ora na atoa i teie Matahiti tahito ta tatou e vaiiho nei, no te mea ua ite tatou i to'na ra mau maitai, e to'na atoa ra hoi mau ino. Ia orana i te aroha o te Atua, Amene.

No te faaotiraa i ta tatou parau, no nia i te Basileia o te Atua, no teie nei matahiti, e na ô â ia tatou i te ani ia tatou iho:

Eaha te Basileia o te ao? Eaha hoi te Basileia o te Atua? E homa, na roto i to tatou tatara-maitai-raa i te mau haapiiraa tei oti a'enei, ua taa papu, ia tatou e, Eaha ia te Basileia o te ao e eaha hoi ia te Basileia o te Atua. Te Basileia o te ao ra, o te Ekalesia ia a te Atua i te ra'i ra, e te Basileia o te Atua ra, o te Ekalesia ia a te Atua i te fenua nei. (Buka Fafau 107:93; B. F. S. 103:43.)

I teie nei, e tatara ia tatou i teie parabole a te Fatu o tei na ô mai e, "*E au te Basileia o te ao i te faahopue*". Oia mau roa te parau a te Fatu. Eaha ia te anraa no te parau ra, "e faahopue", i roto i te parau Tahiti nei? Teie ia, O te faarahi ia i te faraoa, e ore ra, i te tahi mea e au ia faarahihia na roto i te hopue. Ia hi'o tatou i te hohonuraa o te mau parau a te Fatu, eita roa ia e roaa i te aravihi o te taata nei, maori ra ia farii ana'e te taata nei i te Autahu'araa Mo'a o te Atua Mana hope, mai ta'na i faaite i roto i te irava 10 o teie nei parau. O te hopue ta te Fatu e faahiti nei o te i'oa Mo'a Nui o te Atua ra; e na farii faraoa e toru ra, o na i'oa mo'a ia o te Torutahi, mai ta Iesu iho i parau: "*O te pane teie no te ra'i mai - O vau te pane ora o tei pou mai mai te ra'i.*" (Ioane 6:4-50; 1 Ioane 5:7)

Te na ô mai nei te hoê vahi e, "*anoihia e te hoê vahine i roto i na farii faraoa e toru ra*". Te auaa o te parau ra, e anoi, o te faahoêraa ia, oia hoi, te anoi e parauhia nei, o te mana ia no te Autahu'araa mo'a. Tei te Autahu'araa ana'e te tia ia rave i te i'oa o te Toru-Tahi mo'a no te raveraa i te mau oro'a mo'a. (1 Petero 2:5-9; Mataio 10:1; Mareko 3:13-15; Mataio 18:19; 3 Nephi 11:22-25).

Te na ô faahou maira te tahi vahi e, "*Te hoê vahine i roto i na farii faraoa e toru ra, e hopue atoa'tura.*" O te faahitihia nei o ta Iesu iho â Ekalesia mai ta Paulo i faaau i te Ekalesia i te vahine. (Ephesia 5:22-25) e mai te au atoa i tei papaihia i roto i te Apokalupo i te pene 12:1, tei na ô mai to'na ra tai'oraa: "*E tapao rahi tei itea i nia i te ra'i, e vahine i vehîhia i te mahana, e te marama i raro a'e i ta'na avae, e e korona fetia tei nia i ta'na upoo hoê ahuru e ma piti.*" Ua faaauhia te vahine i te Ekalesia, e ua faaauhia te mahana i te mana no te Autahu'araa mo'a, e ua faaau-atoa-hia te marama i te ture a Mose, e ua faaauhia te korona fetia e 12 ra i te tino ahuru e ma piti Aposetolo ra.

Ua papu atura ia tatou, ua faahopue man te vahine e ua anoi atoa hoi oia e toru farii faraoa e ua hopue te taatoaraa. Te hopue ra o te i'oa Mo'a ia o te Atua; te anoiraa hia ra, o te Autahu'araa mo'a ia; te vahine ra, o te Ekalesia ia a Iesu Mesia; e na farii faraoa e toru ra, o te i'oa mo'a ia o te Toru-Tahi. Te rahiraa o te hopue ra to te Autahu'araa ia baptizoraa i te mau taata e rave rahi na roto i te i'oa o te Toru-Tahi mo'a. (Ohipa 2:14)

Na to outou taeae i te faaroo Marurai â Mahuru.

PARAU RII API

Te Poheraa O Ioane Oretona.

I te 28 no Atopa i mairi a'enei ua tae mai te hoê niuniu na te reva i te Peresideni Misioni, tei faaite mai e, ua poheroa o Ioane Oretona i taua mahana ra, te 28 no Atopa no te matahiti 1959.

Ua ite te pae rahi o te mau taata atoa ia'na e ua rave rahi hoi to'na mau hoa i te fenua nei.

I te 15 no Novema i te matahiti 1924 ua tae mai oia i teie nei mau motu, ei Orometua, e ua rave itoitoe oia i te ohipa i ōnei, no na matahiti e 2 e te afa i roto i te mau Amaa ta'na i parahi haere e ua rahi hoi te mau taata ta'na i haapii atu i te Evanelia e ua baptizohia hoi ratou i roto i te Ekalesia nei. I te 18 no Setepa i te matahiti 1927 haere faahou atura oia i to'na ra fenua ai'a no te mea ua oti maitai ta'na ohipa Orometua.

E i te 4 no Mati, i te matahiti 1953, ua maitihia oia ei Peresideni no te Misioni i Tahiti nei, e ua faatere oia i te ohipa, no taua toro'a ra, e ua rahi roa te mau taata ta'na i faafariu mai na roto i te mau Orometua i raro a'e i ta'na ra faatereraa. I taua tau ra ua rahi te mau taata ta'na i tautu-

ru no te mau ohipa tei ravehia e ratou ra. Ua hamanihia te hoê fare rahi roa ei fare no te mau ohipa a te mau pŭpŭ atoa o te Eklesia. Na'na hoi i aufau atu i te afa tia o te moni i pau no hamanihia i taua fare ra, e na te Eklesia hoi te tahi atu afa. Ua riro teie fare ei vahi raveraa i te mau ohipa arearea e te oaoa a te u'i apî o te Eklesia nei. E i te 28 no hoi atura oia i to'na ai'a here.

Te faatae atu nei te mau melo atoa o te Eklesia o te Misioni Tahiti nei, i to ratou aroha rahi i te vahine faaipoipo, e to'na atoa ra utuafare, na roto i teie Heheutaa apî. Ia haamaitaia outou e te Atua, Amene.

Te Heheuraa Apî.

Te Tamaiti a Peropheta.

I roto i te ve'a no te ava'e no Novema ra, ua faaitahi a'tu te parau no to'na taeraa mai, e teie hoi to'na ra i'oa, oia hoi, o Davida ihoa, mai to'na ra Metua tane, e e Paruru to'na ra toro'a.

Ua haere-faaho-atu oia i te Fenua America, e mai reira' tu e haere roa' tu oia i Farani. E taata ite roa oia i te reo Farani, e ua rave hoi oia i te ohipa Orometua, i te Fenua Farani i te tahi mau matahiti i mairi a'eni.

To Tatou Orometua Vahine.

I te 12 no Novema i mairi a'enei ua tae mai te hoê Orometua Vahine, i Tahiti nei, e o te piti raa ia oia o te Orometua vahine i tae mai i teie nei mau mahana. Teie ia to'na ra i'oa, o Marilyn Léone Young, e ua maitia oia ei papai parau i roto i te piha raveraa ohipa a te Misioni i Papeete nei.

Te Fare Putuputuraa I Papenoo.

I te mau mahana i mairi a'enei, a haamata'i te mau Orometua o te Faaroo tei parauhia e Momoni, i ta ratou mau ohipa pororaa Evanelia i te pae i Haapape e Papenoo hoi, ua mannâ rii ratou na roto i te fariuraa mai te tahi mau mamoe apî, e no reira, ua tarahuhia te hoê tufaa fenua, i Papenoo, no te hamaniraa i te tahi maa Fare putuputuraa no ratou.

E i teie nei te hamani nei, te tahi mau melo no te amaa no Papeete, e te mau melo atoa hoi no te amaa Papenoo, i taua fare ra i raro a'e i te faatereraa o te Orometua ra o Timi. Ua tia te mau mea atoa o taua fare ra e te mana'ohia nei e, e oti ihoa te reira fare i te mau mahana i mua nei. E ere râ te reira i te fare patuhia, e fare niau noa ra.

Te Hoho'a No Ta Tatou Ve'a. Te Tii No Te Peropheta Ra O Iosepha Semita.

E hoho'a teie no te hoê tii i faatiahia i roto i te aua no te hiero i Roto Miti, Utaha. E tii haamana'oraa teie no te peropheta ra, o Iosepha Semita, o tei ite mata i te Atua e i Ta'na Tamaiti o Iesu Mesia. Ua faaroo atoa'tura oia i to Raua na reo mai te taata nei i parau te tahi e te tahi. I muri iho i to raua parauraa ia'na ua tae atoa mai te hoê melahi no te ra'i mai e horoa'tura i te mau api auro ia'na, e no reira mai TE BUKA A MOROMONA ta tatou e tai'o nei. Faatia ihora oia i te Ekalesia a Iesu Mesia i nia iho i te ao nei, e e rave rahi atu â te mau ohipa ta'na i rave. Ua na ô maira te hoê taata tui roo rahi. "E riro paha ia i te mau mahana i mua nei o Iosepha Semita e itehia'i ei taata hau roa'tu i te faatupu i te maitai i rotopu i te ao nei i te mau taata'toa" No reira ua faatiahia teie tii ei haamana'oraa i te peropheta matamua no teie nei anotau.